

Band 2

H.I. S. 10

1108 September 17.

[14

Bischof Heinrich II von Baderborn schenkt dem Kloster Helmarshausen Güter in Wilmersen (Kr. Hofgeismar).

In nomine sanctę et individę Trinitatis. Heinricus ipsa propiciante sanctę Patherbrunnensis ecclesię episcopus. Notum esse volumus tam futuris quam presentibus cunctis ecclesię Christianę fidelibus, nos penitentia peccatorum nostrorum necnon et spe future retributionis ductos sanctę, que in Helmarshausen est, ecclesię, in honore domini salvatoris necnon et beatissimi apostolorum principis Petri constructę, nobis commissę, quicquid proprietatis ecclesia nostra possederat in villa Wilmeressen nuncupata, rogatu precipue Ottonis comitis, qui dicebatur debilis, atque consensu cleri sanctę Patherbrunnensis ecclesię contulisse et iure perpetuo cum omnibus appenditiis, id est agris cultis et incultis, pratis, paschuis, aquis aquarumve decursibus, piscationibus, silvis et cunctis redditibus in proprietatem ad usum Deo illic servientium tradidisse, legasse, concessisse pro salute corporis et anime nostre et memoria antecessoris nostri Popponis episcopi atque felicis memorie Immedi episcopi et omnium predecessorum nostrorum. Huius rei sunt testes Erpo comes, Elverus, Manegoldus, Hildiboldus, Echartus, Hugo, Liuppoldus, Waltherus et alii quam plures. Ut igitur hec firma illi ecclesię defunctisque prenotatis permaneant, hec describi iussimus et sigilli nostri impressione signavimus, banno quoque domini nostri Ihesu Christi et beatissimi apostolorum principis Petri nostraque, quam a Deo accepimus, ligandi atque solvendi auctoritate firmavimus et firmamus. Si quis autem hec infringere vel destruere presumpserit, sese cum omnibus sibi cooperantibus anathemate perpetuo ab eo, quem offendit, beato Petro dampnatum noverit.

Data XV. Kal. Octobris, anno dominice incarnationis millesimo centesimo VIII. indictione I., ordinationis vero Heinrichi episcopi anno XXIII.

Orig. Siegel beschädigt. — Die Zeugen sind mit anderer Tinte später geschrieben. Eine durch den Baderborner Kleriker Ulemannus Kotes beglaubigte Abschrift des 16. Jahrhunderts liegt bei.

Druck Schaten ad ann. Vergl. W. u. B. I Reg.-Nr. 1357. Wend, Hess. Landesg. II Nr. 51, S. 72. Pfaff, Helmarshausen, S. 155.